

文苑

文

讀韓非子

陳三立

韓非貴形名上功實裂仁義絀賢才隆主之勢排斥大臣左右朋比一決於法術自秦以來千餘歲祖非之治時取小效戎夷崛起盛強尤與非術相表裏豈其世變相類有不可得而廢者與悲夫非之言所養非所用所用非所養此所以亂蓋莫之能易也非書又稱父母之於子也產子則相賀產女則殺之後世溺殺所產女之習之變戰國之世寧已有是然吾頗疑非所徵者秦俗也。

周之世諸子雜家挾其所有以警議古聖賢人衆矣蓋不可勝數也至於譏孔子要頗設譎詭之辭餘多託孔子以自重非獨正訐公詆連狝而不止曰仲尼本未知孝悌忠順之道曰仲尼對葉公子高問政政在悅近而

來遠對哀公問政政在選賢對齊景公問政政在節財亡國之言也於舜則有曰賢堯舜湯武而是烈士天下之亂術也瞽瞍爲舜父而舜放之象爲舜弟而殺之放父殺弟不可謂仁妻帝二女而有天下不可謂義仁義亡有不可不謂明其悖如此太公史書稱非與李斯俱事荀卿斯自以能不如非嗚呼卿卽不得爲純儒也其果可信皆出於卿者邪。

讀鬼谷子

前人

鬼谷子始列於隋志書凡十二篇亡轉丸胠亂二篇益陰符七篇自戰國策太史公載蘇秦有揣摩之語今書乃有揣摩摩篇後人所依附無疑也柳宗元稱鬼谷子險鑿峭薄恐其妄言亂世難信然吾觀其書時刺機要差益人神智愈於他淺妄者所託君子之於道也涵納淳泓博綜萬類取濟吾心之用而已矣鬼谷子要善得

之稽異情解世難亦所不可廢。

讀呂氏春秋

馬其昶

古之箸書立言者。往往篇終敘述己意。孟子陳堯舜以來。聞知見知之統。莊子天下篇之論古道術。其旨趣類宏遠。下至司馬遷班固。亦各有自序言其義例。獨呂不韋爲春秋以十二紀八覽六論爲綱。而所謂序意者。卽間廁十二紀後。一若亟亟不暇待其辭之畢者。何耶。余常取而讀之。曰維秦八年歲在涪灘甲子朔。良人請閱十二紀。文信侯曰。常得學黃帝之所以誨顓頊矣。既著其年時。又必著其書之出。文信侯者何也。曰黃帝所以誨顓頊。託言己所以教始皇也。中言法天地之道。而曰智不公則福日衰。災日隆。以日倪而西望。知之曰倪。而西望。正所謂上揆之天也。後復綴以青荇預讓事。曰少而與子友。子且爲大事。而我言之。是失相與友之道。子將賊吾君。而我不言之。是失爲人臣之道。如我者。惟死爲可。其事與前所稱絕不類。讀者疑其錯簡。嗚呼。此

微言也。不韋以太后事懼禍。求自脫。乃進嫪毐。及始皇八年。毒封爲長信侯。益驕恣。明年遂以反誅。然則秦之利之一託於君一託交友。而預言於此。以自飾其不舉發賊君之愆。又懸其書咸陽市。誘之以金。使衆共觀。庶可告無罪於天下。彼豈真謂其書不可增損一字者哉。揚子雲恨不生其時。輦金而歸。識閤如此。宜其見欺於僞莽矣。不韋之作春秋懼禍而作也。太史公知之。故曰不韋遷蜀。世傳呂覽謂其知有遷蜀之禍而爲之也。豈謂遷蜀後始爲書乎。明方正學先生以此譏史公之失亦疏也。姦人趨避之術。之工可謂至極。世固有禍機猝發。黠者翻持正論以自解免者矣。而不韋卒坐毒死。不韋書言法天道不知天道。固惡僞巧身殄族夷爲後世笑。此其所以爲大愚也。悲夫。

詩

海藏樓雜詩

鄭孝胥

32416

登樓不見海。朝夕望海氣。鷗飛態轉遲。始覺海已至。憑高目難窮。胸次必小異。心知鷗所樂。造物靳我翅。柳州慕為鵠。毛翮有仁義。秦清果忘飢。惡世良可棄。

落日已將盡。斜照氣萬千。羣鴉弄餘景。翻飛忽蔽天。光燄何遽收。沈沈成暮煙。微禽亦知警。歸思茫無邊。逝者固如斯。一閱偶當前。坡公觀不變。我意方留連。

高穎生求作環翠樓詩（其大父棄官歸養築藏

書樓）

前人

有書誰能讀。有樓誰能居。君家百尺樓。兼藏萬卷書。當時有哲人。棄官賦歸歟。抱書閱四朝。高行驚里閭。與樓兩崢嶸。始知德不孤。聞君述祖德。感時還嗟吁。亂世能自免。保家惟業儒。此書與此樓。皎然無所汙。太息賢公孫。潔身真吾徒。

題太夷海藏樓圖

陳寶琛

莊生狀陸沉。離世類枯槁。行藏絕意必。聖者故中道。曩子宿吾樓。山雲白浩浩。廿年海三變。長望出日杲。深根

寧小行樓成。子亦老。顧懷將壓懼。蓄念幹洪造。東來更袖手。歸去趁芳草。曰文未遽衰。一室安事掃。交與與交喪。爭此千金保。遲暮吾合休。吾樓且自寶。

法相寺中老樟一株雙幹挺出皆大十圍其本殆

不可量不知何年物也散原老人屬同賦之

陳曾壽

法相院中長耳僧。早空諸相藏鋒棱。一朝永明偶饒舌。結跏俄頃驚膚冰。應身歷劫住山寺。定光一線燃龕鐙。我尋春茶數來止。但賞修竹青層層。忽逢大身仰突兀。老樟分幹雙龍騰。互如天柱伸兩戒。矯若雲翼張孤鵬。神物不敢臆年代。但識倒掛千歲藤。山僧築閣度長夏。片枝所覆蒼雲崩。四時風雨掃落葉。老衲偃蹇階難升。散原老人詫一見。平生奇觀嗟未曾。匡廬五爪震寰宇。對此只落聲聞乘。遯世无悶亦有待。發幽奇句精靈憑。高吟千里起鍾阜。佇聽夜半霜鐘鳴。

游西溪歸來湖上晚色極佳散原老人屬同賦之

前人
行盡西溪三百曲。忽開天鏡晚晴中。仙山樓閣無限好。
碧海銀河何處通。落日千峰橫紫翠。中流一葉在虛空。
時無小李將軍手。奇景當前付散翁。

同散原老人登六和塔

前人

當年建塔鎮江潮。萬弩難勝一柱標。昔覽烽煙愁飲馬。
今荒榛莽任棲鴉。老懷憑遠餘悲健。寒籟迴空振悴凋。
欲向簷前問鈴語。紇龍逝後更蕭條。

中秋日雨中恪士約飯于法相寺 前人

荷已離披桂未稠。淡雲微雨過中秋。爲耽野飯尋僧飯。
還覺平流勝俊流。小閣空山宜客夢。寒芳深院助禪幽。
（院中秋海棠甚盛）相期更醉重陽節。晞髮天風最上頭。

中秋約同人飯於法相寺和仁先 俞明震

湖居不見中秋月。偏向僧樓坐雨深。避世漸諳蔬筍味。
入山終負水雲心。人生適意每不足。眼底有詩何處尋。

還我一庵聽說鬼。澗松巖桂各蕭森。

丙辰重九仁先招游龍井寺登高 前人

老覺人間萬事非。偶逢登眺倍依依。難披榛莽凌千仞。
喜傍湖山共落暉。世改性隨龍不滅。天空雲與雁同飛。
年年此會成今古。短髮蕭疏我自歸。

登高一首和仁先

前人

病起逢君作重九。絕頂拄杖相追尋。秋光爲我洗林莽。
天界自高無古今。笑聽野老說城市。坐待山氣分晴陰。
攜壺賭酒少年事。俯視落照同幽深。

題師曾槐堂圖兼寄散原老人

姚永概

蝸翼無聲葉半脫。空庭容得老槐活。其旁醜石兩三拳。
瘦筠依之氣不奪。風塵何處有斯堂。陳子借自武昌張。
哦詩作畫輒竟日。但怕夜寒更漏長。散原先生今老矣。
青溪屋破西風裏。三年未見一書無。想得高懷如止水。
昔君爲我圖西山。西山今在有無間。君家靖廬歸不得。
人生適意無南北。

32418

送陳石遺南歸

林紓

明知行趣故牽裾。門外新泥已濺車。名輩漸稀君愈貴。清貧能耐計非疎。灰心忍挂滄桑眼。索畫仍描水竹居。病起定饒相見地。風前不盼雁來書。

依韻酬和秋岳

胡朝梁

人間定何處。能貫北窗涼。晝苦炎風炙。暮看頽日黃。豈無雲霓興。不厭衆夫望。世亂百草草。敢自矜行藏。所惜兩腐儒。錯置排闥場。功名詎忍說。禍變况未央。鷗鷺有本性。江湖寧相忘。一技空全牛。何心起跛牂。三月絕文字。感歎復成章。

奉謝詩盧見示近作

黃濬

夏日實可畏。開函生清涼。秀句誰所持。餽我西里黃。平生胡夫子。績學夙頹望。葺廬惟貯詩。蕭然一身藏。獨行追前脩。風彼爭奪場。世敝道亦喪。殷憂未渠央。年來畏文字。隱几甘嗒忘。流沫誦君詩。蹶起勞跛牂。屬和復引漸。乞君爲平章。

丙辰三月移家返杭而心白卜居海上心白索詩
寫五言一篇寄之
諸宗元

僦屋安妻孥。君其長子孫。閱世重憂患。君其改語言。悠悠吳楚郊。往事安足論。吾閒且歸居。國敝將圖存。奮身犯百難。自歎無弟昆。不如君有弟。奉母資晨昏。樓軒語宵雪。海舶觀朝暾。昔遊在夢寐。苦語相寒溫。吾居近湖山。君盍來扣門。

聞眉孫之喪後十日感慟有作 前人

萬事多能究。終始一生所得祇。酸辛黃墟苦。記當年語。白髮同爲歷。劫身梅里塚。成祈早死。灤河客殯。臘清貧無窮。曙後星孤。歎擇壻。今教付故人。

廬江雜詩

陳詩

外家枕流園我家。黃陂渡南北路。逶迤每經城東去。山勢聳青霄。冶父籠晴樹。石泉流涓涓。澗水旱不涸。經行念予祖。單車聯吟處。叢殘藝菊錄。尙記龍文句。(先大父藝菊園閒錄曰道光辛丑游冶父山寺與龍文上人

訂交上人廣陵茂才慕佛印爲人有閨情句云低頭不
 敢言簾前有鸚鵡 何時復歸來更與山靈遇閒尋星
 朗跡（順康間星朗上人以名進士出家創建冶父寺）
 滄桑歎遲暮杜鵑開口春楓葉夜疑曙山深別有天載
 酒吾能賦（冶父山）

寄觚齋湖上別業兼懷仁先侍御觚齋青溪有樓

避地以來不歸者兩年矣 李宣龔

世。事。年。來。觚。不。觚。猶。留。風。雨。守。菰。蒲。光。黃。有。客。能。招。隱。
 吳。越。柑。望。比。具。區。夢。裏。溪。流。繞。腸。胃。尊。前。湖。影。浸。眉。鬚。
 徘徊一壑將安老欲效臨川捨宅無

洗兒歌贈胡詩廬

夏敬觀



君家有山名鵝湖龔生蓄鵝世久無邇來皓質入婦夢
 墮地化作偉丈夫君家諸郎盡白皙感此更產白鳳雛
 三朝會客飽湯餅貯盤香水洗玉膚馳書告我識君喜
 念我不得親酒壺君今蒼然貌已懼此子將慰平生劬
 盍高門閭令容駟中留矮屋題詩廬我慙一事不可作
 亦弄兒女用自娛河清有期兒可俟我輩髮白兒髮烏

危樓 前人

去天一握聳危樓但欠山光起倦眸此踐尋常同候雁
 餘生節物感殘秋埃車過市風初冷煙突連江日易收
 欲共天隨商去住無人不勸稍淹留